



Na Kolegio Ehekutivo
Parke Wilhelmina #1
Kralendijk
Bonaire C.N

Frakshon Coffie
Konseho Insular Bonaire

Pasanggrahan
Parke Wilhelmina 2
Kralendijk
Bonaire, C.N.

Persona di kontakto:

Désirée Coffie
Miembro di Konseho Insular

T: 715 5330 tst. 1414
frakshoncoffie2020@gmail.com

Fecha:

4 di mart 2022

Tópiko:

Stadion di Playa 4/3/2022

Referensia:

FC2022005

Apresiabel Kolegio,

Mi a skucha presidente di Federashon di Futbòl Boneriano informá ku pa e próksimo kampeonato ofishal di futbòl lo no por hasi uso di stadion di Playa, ya ku esaki a keda "afgekeurd" pa su uso pa tantu deportistanan komo pa públiko bishitante.

Ya pa basta tempu ta den diskushon e mal estado físiko di nos stadion prinsipal aki na Playa. I situashon a empeorá di tal magnitud ku awor definitivamente no por hasi uzo di e stadion aki. E kousa prinsipal di esaki ta falta di mantenshon kontinuo i regular i falta di reservá fondonan pa invertí den renobashon di e stadion, manera entre otro e tribuna kompleto, kleedkamernan, barnan, postenan di lus i e kancha. For di 2004, e stadion ta bou di maneho direkto di gobièrnu di Boneiru. Lamentablemente mester konstatá ku durante 18 aña largu gobièrnu no a presupuestá den su presupuesto anual ni den un presupuesto di mas aña fondonan pa hasi e mantenshon ni a krea e reservanan pa invertí den renobashon di e kompleho deportivo aki. Hasta den Konseho Insular mester a presentá un moshon di deskonfiansa kontra e diputado kende violando prinsipionan di bon gobernashon den un forma sin base legal a komprometé BHM pa paga un suma di 350 mil dòler pa postenan di lus. E problema ei te awe no a keda solushoná o alo ménos raad no tin informashon ku si ela keda resolvé. Visualmente nos mester konkluí ku e no ta resolvé, ya ku nos no por tuma nota di postenan di lus nobo na e stadion i ku den e estado ku nan ta, nan ta formando peliger pa seguridat di deportista i bishitantenan.

Ademas di esaki tin un situashon indeseá ku ta usa e espasio di parkeo di stadion di Playa pa pone kònteinernan, kreando un bista sumamente mahos den nos sentro di siudat.

Hasiendo uso di artíkulo 45 di Reglamentu di Órden, mi ta hasi e siguiente preguntanan na Kolegio Ehekutivo:

1. Kolegio Ehekutivo a keda informá ku a "keur af" stadion di Playa pa uso di tantu deportistanan komo pa uso di bishitantenan?
2. Kolegio Ehekutivo por a fasilitá Raad e rapòrt\prosès verbal òf otro dokumentu den kual por eskrito e desishon aki a keda tumá?
3. Kolegio Ehekutivo por a informá Raad ki pasonan opviamente finansiero a tuma òf lo bai tuma pa pone e stadion aki bèk den un estado ku ta garantisá su uso atrobe i ku ta garantisá seguridat pa tantu deportistanan komo bishitantenan?
4. Gobièrnu a hasi un kalkulashon kuantu fondo ta bai tin mester pa kumpli ku punto 3 i kon Kolegio Ehekutivo tin pensá pa yega na e fondonan aki?
5. Kolegio Ehekutivo por informá Raad ku si no ta e intenshon pa realisá punto 3 i 4 kiko ta e plannan pa ku e stadion di Playa. E ta keda òf tin intenshon di likidá e stadion?
6. Kiko ta bai hasi pa resolvé asunto di kònteinernan i ku ta drecha e fasilitat di parkeo i ku lo buska un otro lugá pa pone e kònteinernan?
7. E maneho di stadion ta keda bou di responsabilidat di gobièrnu o ta e intenshon di pasa esaki bèk pa tersera i si ta e intenshon pasa esaki bek pa tersera kon esaki lo bai i ta ken ta bin na remarke pa haña e maneho?

Gustosamente lo mi ke risibí kontesta riba e preguntanan aki verbal den e próksimo reunion di Konseho Insular kompañá pa e dokumentunan rekerí.

Atentamente,



Désirée E. Coffie
Miembro di Konseho Insular Boneiru